



Republika e Kosovës
Republika Kosova
Republic of Kosovo



Komuna e Kaçanikut
Opština Kaçanik
Municipal Kaçanik

01Nr.60/01-8268/22
Kaçanik: 31.03.2022

Në bazë të nenit 55 të Rregullores për Punë të Kuvendit, në çështjen e shqyrtimit të Draft Planit të Komitetit Konsultativ për Persona me Aftësi të Kufizuara për vitin 2022, Kuvendi i Komunës Kaçanik në mbledhjen e vet të mbajtur më datë 31 mars 2022, mori këtë:

VENDIM

PËR APROVIMIN E PLANIT VJETOR TË PUNËS SË KOMITETIT KONSULTATIV PËR PERSONA ME AFTËSI TË KUFIZUARA PËR VITIN 2022

1. Me këtë Vendim, Aprovohet Plani vjetor i punës së Komitetit Konsultativ për Persona me Aftësi të Kufizuara për vitin 2022, i propozuar nga ky Komitet Konsultativ.
2. Në Planin e Punës së Komitetit Konsultativ për Persona me Aftësi të Kufizuara (KKPAK) janë paraqitur objektivat që parashihen t'i realizoj ky komitet në mbledhje të rregullta dhe aktivitete të tjera, treguesit, mjetet e verifikimit, institucionet zbatuese dhe afatet kohore të realizimit.
3. Pjesë përbërëse e këtij Vendimi është: Plani i Punës së Komitetit Konsultativ për Persona me Aftësi të Kufizuara për vitin 2022 i përmbledhur në gjithsej 8 faqe/ Lënda: 01Nr.60/-8268/22.
4. Për realizimin e Planit të Punës së Komitetit Konsultativ për Persona me Aftësi të Kufizuara, do të kujdeset KKPAK dhe organet tjera relevante të komunës.

Me këtë Vendim njoftohen: Kryetari i Komunës, Komiteti Konsultativ për Persona me Aftësi të Kufizuara dhe Arkivi.

Kryesuesi i Kuvendit
Kemal Murseli





Republika e Kosovës

Republika Kosova

Republic of Kosovo



REPUBLIKA E KOSOVËS
REPUBLIKA KOSOVA
KOMUNA E KAÇANIKUT
OPŠTINA KAÇANIK



I	Data 23.03.22	Vendi KAÇANIK
Nj. org.	Numri	Shtojcë
01	60/01-8268	✓



Komuna e Kaçanikut

Opština Kačanik

Municipal Kačanik

Plani Vjetor i Punës së Komitetit Konsultativ për Personat me Aftësi të Kufizuara në Kaçanik 2022

Shkurt, 2022

Përmbajtja

1.Hyrje.....	3
2.Mbledhjet.....	4
3.Tryeza.....	4
4.Monitorimi i zbatimit të Planit të Veprimit për Personat me Aftësi të Kufizuara.....	5
5.Vizitat.....	5
6.Aktivitetet senzibilizuese.....	5
7.Edukimi.....	6
8.Trajnimet.....	6
9. Shtojca ; Aktivitetet në formë tabelare.....	7

1.Hyrje

Komiteti Konsultativ për Personat me Aftësi të Kufizuara në Kaçanik, është themeluar me datën 13.09.2019. Ky komitet ka për qëllim adresimin e çështjes së aftësisë së kufizuar në rradhë të parë tek institucionet komunale vendimarrëse siç janë ekzekutivi (Kryetari i Komunës) dhe legjislativi (Kuvendi Komunal). Ndërsa, si funksione kryesore të komitetit konsultativ janë: dhënia e propozimeve të rregulloreve të ndryshme; hulumtime të ndryshme; mendime dhe ide rreth iniciativave të ndërmarra nga Kryetari i Komunës; komitetet e përhershme apo Kuvendi i Komunës në fushën përkatëse; paraqitja e pikëpamjeve dhe mendimeve të qytetarëve për persona me aftësi të kufizuara tek Kryetari i Komunës dhe Kuvendi i Komunës; propozime për zgjidhjen e problemeve të identifikuara.

Komitetet Konsultative janë një mënyrë më e avancuara e mundësisë për pjesëmarrje të qytetarëve në procesin e vendimarrjes brenda institucioneve publike. Gjithashtu nëpërmjet tyre sigurohet edhe një mundësi për bartjen e zërit të qytetarëve përkatësisht komuniteteve të caktuara tek organet vendimarrëse nëpërmjet komiteteve të tilla këshilldhënëse.

Në funksion të arritjes së këtyre objektivave dhe qëllimeve hartohet ky plan i punës njëvjeçarë të Komitetit Konsultativ për Personat me Aftësi të Kufizuara në Kaçanik.

2.Mbledhjet

Bazuar në “Udhëzimin Administrativ (MAPL) Nr.01/2016 Për Procedurën e Themelimit, Organizmit dhe Kompetencat e Komiteteve Konsultative në Komuna” është e normuar numri i mbledhjeve të këtyre komiteteve në atë “ Mbledhjet mbahen varësisht nga nevoja, por së paku duhet të mbahen gjashtë(6) takime në vit”.

Mbledhjet janë të përcaktuara në : Muajin janar; mars; maj; shtator; nëntor dhe në dhjetor. Ku një ndër metodat e punës do të jenë këto mbledhje të komitetit ku do të diskutohen aktivitete dhe çështje të ndryshme të punës së komitetit si dhe çështje të tjera të paraqitura eventualisht në drejtim të komitetit ose edhe veprimet dhe vendimet e ndërrmarra nga autoritetet komunale që kanë impakt në jetën e komunitetit për personat me aftësi të kufizuara. Pra, do të trajtohen çështjet e personave me aftësi të kufizuara të Komunës së Kaçanikut.

3.Tryeza

Aktivitete tjera të komitetit do të jenë edhe organizimi i tryezave në forma të ndryshme në të cilat identifikohen problemet, si dhe sfidat e çështjes së aftësisë së kufizuar. Por, gjithashtu përmes këtyre diskutimeve synohet të arrihet edhe sensibilizimi i tematikave të personave me aftësi të kufizuara, dhënia e ideve dhe adresimi i këtyre ideve tek autoritetet vendimarrëse. Synimet e këtyre tryezave janë të kushtëzuara varësisht temës së diskutimit, megjithatë si target grupe do të jenë: personat me aftësi të kufizuara, institucionet komunale, institucionet qendrore, organizatat e shoqërisë civile, kompanitë dhe bizneset private.

Qëllimi është organizimi i së paku dy tryezave të cilat mund të mbahen në muajin maj dhe dhjetor.

4. Monitorimi i zbatimit të Planit të Veprimit për Personat me Aftësi të Kufizuara në Kaçanik.

Plani i Veprimit për Personat me Aftësi të Kufizuara në Kaçanik i cili ishte miratuar nga Kuvendi Komunal në Kaçanik më 2018- 2021, ishte dokument referues mbi problemet, sfidat por edhe alternativat e zgjidhjes së tyre. Në funksion të realizimit të këtij plani përkatësisht objektivave të tij, Komiteti Konsultativ do të bënë monitorimin e zbatimit të këtij plani për të kuptuar se në cilat fusha ka ngecje në zbatimin e këtij plani dhe të nxjerren rekomandimet rreth zbatimit të planit të veprimit.

Ky aktivitet realizohet përmes takimeve të drejtpërdrejta me bartësit e zbatimit të secilës objektivë të planit të veprimit, por edhe përmes vrojtimit të drejtpërdrejtë të gjendjes faktike që ka të bëjë me jetën e personave me aftësi të kufizuara.

5. Vizitat

Gjatë vitit 2022 Komiteti Konsultativ gjatë aktiviteteve të saj mëton të realizoj një sërë vizitash nëpër institucionet komunale, me qëllim identifikimin por edhe sensibilizimin e aftësisë së kufizuar tek autoritete komunale dhe të tjerëve.

- a) Vizitat nëpër organizatat joqeveritare me fokus tek organizatat që mirren me çështjen e aftësisë së kufizuara. Qëllimi i këtyre takimeve është identifikimi i problemeve dhe menyrat e avokimit të këtyre tek autoritetet vendimarrëse. Krijimi i një aleance ndërmjet komitetit dhe OJQ-ve.
- b) Vizitat nëpër institucionet qendrat ditore për personat me aftësi të kufizuara. Qëllimi i këtyre vizitave është studimi i punës dhe aktiviteteve që zhvillohen në këto qendra.
- c) Vizitat nëpër shkollat speciale në Kaçanik. Qëllimi është njohja me nxënësit por edhe me gjendjen në të cilën ata marrin mësimin.
- d) Vizita nëpër Komitetet Konsultative në Komunitet tjera të Kosovës, ku qëllimi i këtyre do të ishte marrja dhe dhënia e përvojave të punës së komitetit si dhe evidenca e problemeve të personave me aftësi të kufizuara si dhe synimi i një avokimi më të përgjithshëm drejt realizimit të të drejtave të personave me aftësi të kufizuara.

6. Aktivitete sensibilizuese

Në kuadër të aktiviteteve si shenjë sociale do të jenë edhe shenimi i datës së 3 Dhjetorit Dita Ndërkombëtare e Personave me Aftësi të Kufizuara. Gjithashtu, edhe përmes Javës së Rinisë e cila tradicionalisht në Kaçanik mbahet në muajin shtator KKPAK do të bënë aktivitete që kanë për qëllim sensibilizimin e masës, konkretisht të rinjëve për aftësinë e kufizuar.

7. Edukimi

Një ndër objektivat kryesore të këtij komiteti do të jetë jo vetëm adresimi dhe avokimi i çështjes së aftësisë së kufizuar në institucionet komunale por edhe adresimi i kësaj fushe edhe tek komunitetet tjera të shoqërisë në mënyrë që pjesa e paragjytimeve dhe stereotipeve të jetë në minimumet e veta. Në funksion të kësaj komiteti do të organizoj ligjerata edukuese me nxënësit e shkollave të mesme dhe atyre fillore me tema të ndryshme që kanë të bëjnë me thirrjen për barazi të të gjitha kategorive të njerëzve brenda shoqërisë.

Ndërsa, si formë tjetër do të jetë edhe edukimi shëndetësor i personave me aftësi të kufizuara por edhe të familjarëve të tyre në raport me nevojat e personave me aftësi të kufizuara.

8. Trajnimet;

Për përmirësimin e kapaciteteve të këtij komiteti do të tentohet që anëtarët e këtij komiteti të aftësohen në trajnime të ndryshme të ofruara në tregun e trajnimeve në Kosovë. Mirëpo, kjo është e kushtëzuar edhe nga çmimet dhe mundësitë buxhetore të KKPAK-së përkatësisht institucioneve komunale për të i ndjekur këto trajnime që kanë të bëjnë me njohjen më të mirë të çështjes së aftësisë së kufizuar por edhe marrjen e njohurive mbi adresimin sa më profesional të tyre.

10. Shtojca; Aktivitetet në formë tabelare;

Aktiviteti	Treguesit	Mjetet e verifikimit	Institucioni zbatues	Afati Kohor	Verejtje
1. Mbledhjet	1. Çështjet e trajtuara 2. Numri i mbledhjeve	Lista e nënshkrimeve, procesverbalet	Komiteti Konsultativ për Personat me Aftësi të Kufizuara (tutje KKPAK)	Janar, Mars, Maj, Shtator, Nentor, Dhjetor	Mund të mbahen edhe mbledhje të jashtëzakonshme...
2. Tryeza	1. Numri i tryezave të mbajtura	Lista e nënshkrimeve, foto, raportet	KKPAK	Maj dhe Dhjetor	
3. Monitorimi i zbatimit të Planit të Veprimit për Personat me Aftësi të Kufizuara në Kaçanik.	1. Numri objektivave të monitoruara; 2. Numri i objektivave të arritura	Raporti i Monitorimit në fundvit.	KKPAK	Janar deri Dhjetor	
4. Vizitat	1. Vizita tek KKPAK-të homologe 2. Vizita tek OJQ-të për PAK-të 3. Vizita tek institucionet komunale 4. Vizita tek kompanit private	Raportet, fotografit etj.	KKPAK	Janar-dhjetor	Përpos këtyre institucioneve të përmendura, KKPAK do të ketë edhe takime tjera me mekanizma, institucione e persona relevant në funksion të çështjës së aftësisë së kufizuara.

5 Aktivitete sensibilizuese	1. Shenimi i datës 3 dhjetor si data ndërkombëtare për PAK-të, 2. Aktivitet sensibilizues në kuadër të Javës së Rinisë në Kaçanik	Raportet, lista e pjesëmarrjes, fotografit etj	KKPAK	Shtator dhe Dhjetor	
6. Edukimi	1. Ligjerata me nxënësit e shkollave të mesme 2. Ligjerata për edukim shendetësor për PAK-të dhe familjarët e tyre	Raporte, lista e nënshkrimeve, fotografi	KKPAK	Janar-dhjetor	
7. Trajnimet	1. Pjesëmarrja në trajnime të ndryshme 2. Numri i trajnimeve 3. Numri i anëtarëve të trajnuar	Raportet, fotografit	KKPAK-organizatat e ndryshme trajnuese	Janar-Dhjetor	Kjo pjesë e aktivitetëve varet nga tregu dhe çmimi trajnimeve që ofrohen dhe mundësitë financiare të anëtarëve të KKPAK për të ndjekur këto trajnime.



Zëvendës kryesuese e KKPAK-Kaçanik
Mirlinda Hysa